

حقوقی بیکیسیر مجموعه سی

هر آیک اون بشنده نشر اولنور

رهنك اشخاص ثالثه يه قارشو احكام قانونيه سي

بو كونلرده بائقه و تجارت علمي اشغال ايدن بر مسئله موضوع بحثدر :
افلاس ايدن بر تاجرك ، اصول موضوعه دائره سنده منعقد رهن معامله لري ، عادي
داينلرينه قارشو نه درجه يه قدر معتبردر ؟

بو مسئله نك حلي ، يكي تجارت قانونك رهن احكاميله ، حالا مرعي اولان اسكي
تجارت قانونك افلاس قسمك مزج و مطالعه سنه متوقفدر .

فقط اول امرده ، رهنك تشككنده قانوناً موضوع اصول نه در ؟ صراحة بيان ايتك
ايجاب ايدر .

تجارت قانوني ، رهن ايبي يه تفريق ايتشدور . بري ، « اشيا » ديكرى ، اشيايه مقابل
« پوليجه و امره محرر سائر سندات تجاريه » ايله ، مالي ، صناعي ، تجاري و عادي شركتلك
اخراج ايتش اولدقلرى « نامه محرر حصه سنداتي و تحويلات » اوزرينه عقد اولنان رهندر .
بو تفريق ، ۷۵۷ نجى ماده نك فقره ثانيه سيله ، ۷۵۸ نجى ماده لر دن مخرجدر . برنجى
قسم اولان اشيا نك رهن ، طرفينك رضالري برلشوب ، مرهونى مقرضه تسليميله تمام
اولور . چونكه ۷۵۷ نجى ماده نك برنجى فقره سنده : « بر رهن تجاري طرفين آره سنده
اشبو قانونك ۶۷۸ نجى ماده سنده معين صورتلر ايله اثبات اولنه بيلير » دنيلمكده اولوب ،
اشبو ماده ده معين صور ثبوتيه ايسه ، « مدعا بهك مقدارى نه اولور ايسه اولسون ،
شهادات و قرائن و امارات دن متحصل » حاكك قناعتى كافى اولديغندن ، تحريرى عقدك
عدم لزومى مستباندر .

فقط طرفينك رضالرينك برلشمسسنه علاوه مرهونك دايه تسليميه شرطدر .
طرفينك اتفاقيله بر شخص ثالثه توديعيه ده جائزدر (مادد ۷۶۶ و ۷۵۹ ايكنجى فقره) .
قانون مدنيتك ۸۷۸ نجى ماده سي ، قانون تجارتك وضع ايتديكي مارالذ كر قاعده
عموميه يي مؤيددر ؛ يعنى اشيايه عائد رهن معامله سنك تماميتى ايجون ، مرهونك مرتبه
تسليمنى شرط قيلمقده در .

تجارت قانونك ۷۵۷ نجی ماده سنك ايكنجی فقره سی، موضوع قاعده عمومیه بر استئنا تشكيل اتمكده در . بو فقره قانونیه موجبجه :

« اشیانك ترهینی ایله تأمین اولنان دین اللی لیرایی متجاوز ایسه بو رهن اوچنجی • شخصلر حقنده معتبر عد ایدلك ایچون تحریری اولسی و كاتب عدللكدن مصدق • بولنسی شرطدر . »

اشبو فقره قانونیهده مسطور « اشیا » کلهسی ۷۵۸ نجی مادهده معین ، « پولیچه و امره محرر سائر سندات تجاریه • ایله ، بالجله شرکتلرک » نامه محرر حصه سنداتی و تحویلات » مقابل اوله رق استعمال ایدلس اولدینی نمایاندر .

••

قانونك « اشیان » تفریق ایلدیکی ایکنجی قسمی، رهنك شكل تشكلی اعتباریه ایکی شقه منقسم اولوب، بری « پولیچه و امره محرر سائر سندات تجاریه » و دیگر « مالی ، صناعی ، تجاری و عادی شرکتلرک اخراج ایتمس اولدقلری نامه محرر حصه سنداتی و تحویلات » در .

برنجی شقك ترهینی « بدلی تأمیناندر » و یا خود بو معناده دیگر بر عباره ایله اجرا قلنان جیرو ایله اولور (ماده ۷۵۸ برنجی فقره) . پولیچه لرك جیروسی حقنده کی ۵۴۲ نجی ماده سی ۷۵۸ نجی ماده نك برنجی فقره سی احکامنی تأیید ایدر .

مالی ، صناعی ، تجاری و عادی شرکتلرک اخراج ایتدک لری نامه محرر حصه سنداتی و تحویلاتك ترهینی ایسه ، کیفیتك شرکت دفترینه درج ایتدیلمسی صورتیه اجرا اولور (ماده ۷۵۸ ایکنجی فقره) .

۷۵۸ نجی ماده نك مفادی مطلق اولوب ، اشیانك ترهیننده رهنك اشخاص نالهیه معتبر عد اولونق ایچون ۷۵۷ نجی مادهده موضوع قیود ، اشبو ۷۵۸ نجی مادهده موجود اولمادیغندن ، جیرو صورتیه منعقد رهنك اللی لیرادن فضله بر مبلغی تأمین ایتسه بيله اشخاص نالهیه قارشو دخی معتبر اولدینی نمایاندر .

بر سؤال : قونشمتو و اوردینولرك جیرو صورتیه ترهینی جائز می در ؟ ۷۵۸ نجی مادهده « پولیچه لرك و امره محرر سائر سندات تجاریه » ، دنیلور ، قونشمتو و اوردینولر ، « سائر امره محرر سندات تجاریه » تعیرینه داخل ایسه ، بالطبع جیرو صورتیه ترهینی جائزدر .

قونشمتو وعینی شی دیمک اولان اوردینولر، نقلیه مقاوله سنی تثبیت ایدن وثیقه در. بو وثیقه، تجارت قانونی «نقلیه سندی» تسمیه ایلشدور. (ماده ۱۸۸۹) دیمک که، بر سند تجاریدر. ۸۹۲ نجی ماده موجبجه: «نقلیه سندی امره ویا حامله محرر» اوله ییلدیکنه نظراً، قونشمتو و اوردینولرک «امرہ محرر بر سند تجاری اولدینی بدیهی و بناءً علیه جیرو صورتیه منعقد رهن هر کسه قارشو معتبردر.



ایمدی؛ اشبو مقاله نك باشنده سرد اولنان سوا لمزه رجوع ایدلم؛ قانونك تعیین ایتدیگی شکل دائره سنده ومثلاً الی لیرایی متجاوز بر مبانی تأمین ایدن و فقط تحریری وکاتب عدل مأموریتندن تصدیق ایدلمش بر رهن فرض ایدلم. اعلان افلاس ایتش ایسه اصولی دائره سنده منعقد اشبو رهن مدیونك دادی آلاچقرینه قارشو معتبر میدرد کیلدر؟ بو مسئله نك حلی ایچون، اسکی تجارت قانونك حالاً مرعی افلاس بحثنه مراجعت ایتدیگمزد و قانونك ۱۴۷ نجی ماده سندن اعتباراً مطالعاتمزی ایلریتدیگمزد، رهنه عائد اوله رق ایلك تصادف ایتدیگمز ماده قانونیه ۱۵۵ نجی ماده در. بو ماده موجبجه «امتیاز، رهن واستغلال» طریقله تأمین اولمش اولان باجمله دیونك گذشته لری، ماصیه قارشو منقطع اولور ایسه ده، مرهون ماللرک حاصلاتندن استیفا اولنه بیلور. اموال مرهونه، فائضلری تأمین ایدر ایسه، اولی بطریق رأس المال مبالغ مستقرضه یی تأمین ایدر.

بو ماده دن صو کره، نظر دقتمزی جلب ایده جک ماده لر، «شبهلی مدته» متعلق اولان ۱۵۶، ۱۵۷ و ۱۵۸ نجی ماده لر در.

۱۵۶ نجی ماده ده محرر شبهلی مدت، افلاسک ابتداسی اولوق اوزره یعنی (مبدأعجز) تجارتخانه طرفدن تخصیص اولنان کونك اون کون اولیسندن اعتباراً افلاسنه قرار ویریلن کونه قدر مرور ایدن مدتی شاملدر.

قانون بومدت ظرفده اجرا قلنان اوچ نوع معاملاتی کآنلم یکن حکمنده طوتمقدده در.

۱ — اموال مقوله و غیر مقوله نك هر صورتیه اعطاسی؛

۲ — وعده سی کلیان دیونانك هر نه وجهله اولور ایسه اولسون و حتی نقود

وسندات تجاریه ایله تأدیه سی؛

۳ — وعده سی گنش اولان دیونانک نقود و سندات تجاریه دن غیری بر صورتله تسویه سی؛ اشبو ماده نك تام و صحیح اوله رق منعقد رهنه قارشو واقع اولان اقراضاته شمولی اولمادیغی میدانده در.

۱۵۷ نجی ماده ده معین شبهه لی مدت، مبدای عجز کونیه افلاس اعلانی قرار ی کونی بیننده کی مدتی محتویدر که ۱۵۶ نجی ماده نك شبهه لی مدتدن اون کون قیصه در.

بو مدت ظرفنده الغاسی جائز اولان معامله لر اشبو ۱۵۷ نجی ماده ده تعداد ایدلشددر.

شویله که :

۱ — وعده سی حلول ایدن دیونك نقود و سندات تجاریه ایله ادا ایدلش اولسی؛

۲ — متابلی اخذ ایدرك اشیا فروختی؛

۳ — سند و برلش اولسی.

شو قدر که بو معامله لرك الغاسی آنجق مفلس ایله معامله ایدن کمنه نك، معامله نك واقع اولدیغی وقت، مفلسك حال عجزده اولدیغی بیلمسی شرطدر. بو جهت ده اثبات ایدلك لازمدر.

بو ماده ده دخی رهنه متعلق هیچ بر قید یوقدر.

۱۵۸ نجی ماده، استغلال و امتیازدن باخدر. استغلال ایپونك دیمکدر. امتیاز، قانونك شرحده: «اوطه ایجباری و خدمه معاشی و خانه کراسی و متوفانك تجهیز و تکفینی دیمك اولدیغی» استطراداً کوسترلشددر.

اشبو ماده نك ده رهنه شمولی اولمادیغی آشکاردر. بناء علیه اصول مرعیه سی دائره سنده اجرا ایدلش بولتان بر رهن معامله سی، تجارت قانونی و افلاسه متعلق احکامله تحت تأمینه آلتش دیمکدر.

واضع قانونك رهنی هر درلو تعرضدن خارج بر اقسی بر سبب و حکمه مبنیدر. چونکه؛ شبهه لی مدتدرده، واضع قانونك ممانعت ایتك ایستدیگی شی، مفلس طرفندن مال قاجیرمنه، و دایناردن بعضیرینك دیکرلری ضررینه اوله رق استفاده سنه میدان و برماکدر. حالبوکه رهنده بو حال وارد دکلدر. مفلس استدانه ایده جکی مبلغی، تجارتنده و دایناره قارشو اولان بورجلرینك تسویه سی ایچون استقراض ایدر؛ مقابلنده ویریلن مرهون ماللر کتم ایدلش ماللر دکلدر، مقررک استفاده سی مشروع اولان

فائزدر. فضله اوله رق مرتهن ، افراضاتی ، تأمینات مقابلنده اوله رق پامشدر . عادی آلاچقلی کبی دکلدرد . اگر بو تأمینات کندوسنه اراشه ایدلماش اولایدی ، افراضاتده بولنیه جقدی . دیگر طرفدن بعضاً وضعیت مالییه سی صارصیلمش اولان بر تجمار ، استقراض ایلدیکی مبالغ ایله وضعیتنی ترصین ایده بیله رک کندوسنی افلاسدن خلاص ایلر . بوتقدیرده ، استقراض ورهن معامله سی ، عادی اصحاب مطلوبه بیوک بر فائده تأمین ایتمش اولور .

فضله اوله رق بو فکریمیزی تأیید ایدن یکی تجارت قانوننک ۷۶۶نجی ماده سسیله افلاس بختنک ۲۵۳نجی ماده سنی عیناً نقل ایدیوروز .

۷۶۶نجی ماده : « مواد سابقه موجبنجه داینه بخش اولنان حقوق ، کرک مدیونک و کرک مدیون حسابنه رهن اعطا ایدن شخصک وفاتی و یا افلاسیله دوچار تأخر اولاماز . » و ۲۵۳نجی ماده : مفلسک اصول مرعیه یه تطبیقاً رهن ایله تأمین اولنش اولان آلاچقلولرک اسامیسی یالکیز اخطار ایچون ماصه دفترینه قید ایتدیریلور . » افلاس بختنک ۲۵۵نجی ماده سسیله متعاقب ماده لردن بعضیلری ، دأئتک مرهون مال اوزرنده آلاچقنک صورت استیفاسنی تعیین ایتکده در .

اشبو ایضاحاتدن تمامیله تظاهر ایدیورکه ، اصولی دأئره سنده اجرا ایدلمش حقیقی بر رهن معامله سی هر درلو تعرضدن مصوندر .

نتیجه ده « حقیقی » کله سنی استعمال ایتدک ؛ چونکه مال قاجیر مق اوزره و یا خود بردأئتک دیکر لرک ضررینه اوله رق استفاده ایتدیرمک اوزره ترتیب ایدلمش رهن اولور ایسه ، بالطبع حبله و دیسه ایله اجرا قلنان هر بر معامله کبی کآن لم یکندر و افلاس بختنده بوکا دأئر احکام موجوددرکه بو بختمژک خارجنده در .



مارالذکر مطالعات و ایضاحاتدن صوکره ، مناقشه یی موجب اولان عقله تبادر ایدن بر ایکی مسئله وارددرکه ، استطراداً سرد ایده لم .

برنجی مسئله : تجارت قانوننک ۷۵۷نجی ماده سنده اشیانک و ۷۵۸نجی ماده سنده ، مالی ، صناعی ، تجاری و هادی شرکتلرک اخراج ایتمش اولدقلری نامه محرر حصه سنداتیله

تحويلاتدن باخندور. ايمدى اشيادن معدود اوليان فقط ۷۵۸ نجى مادهده تعداد اولتان حصه سنداتيله تحويلاتدن بوليان ومثلا هر قنى بر دولتك اخراج ايتديكى تحويلاتك رهنى هانكى مادهيه تطبيقاً اجرا اوله جقدر .

۷۵۸ نجى ماده مقيد، يعنى بوماده احكامنك شامل اولدينى حصه سنداقى وتحويلات، شركتلى طرفندن اخراج ايدلمش اولانلره منحصر اولديغندن، بر دولت طرفندن اخراج ايدلين تحويلاتك رهنى ۷۵۷ نجى ماده احكامنه تبعاً اجراى فكنرنده يز .

ايكنجى مسئله : مقرر، الله بولان اموال مرهونهك قيمتندن آشاغى تنزل ايتمش اولمسنه بناءً شهلى مدت طرفنده ضميمه و تأميناً، مقابلنده پاره ويرمكسرين، يكيدين مال آليرسه حكى نه در؟

تجارت قانوننك ۷۶۲ نجى مادهسند «خلافى مشروط اولمدينى صورتده مرهون اشياء، اسهام وتحويلات قيمتى يوزده اوندن آشاغى به تنزل ايدر ايسه، داي اشبو نقصانك اكالى مديوندى ايسديه بيلير» دنيلديكنه نظراً، مقرر حق قانونيسى استعمال ايتمش ديمك اولمغله، خلافى مشروط اولدينى صورتده، تأميناتى اتماماً شهلى مدت طرفنده اصول مرعيهسى دائرهسند اولدينى مرهونات، اشخاص ثالثيه قارشو دخى معتبردر مطالعهسند يز .

اوچنجى مسئله : عادى بر آلاچقلىيه، مفلس شهلى مدت طرفنده مال ترهين ايتك صورتيله مطلوباتى تأمين ايلر ايسه، حكم قانون نه در؟
بو مسئله افلاس بحثك ۱۵۶ نجى مادهسند تماس ايدر .

فى الحقيقه، موضوع بحث اولان مطلوباتك وعدهسى حلول ايتمش اولسون اولسون، هر ايكي جهته نفود و سندادن غيرى بر شيله تأديات ديمك اولدينى جهته كآن لم يكن حكمنده طوتيلم لازمدر .

اشبو مقاله نك تماس ايتديكى مسائلك، اقتصاداً و تجارت علمى ايچون اهميقى دركار اولمغله، توضيح و تثبيت ماده ايچون بويابده سرد مطالعه ايدلمسى محترم حقوقشناسلريمزدن خاصة رجا اولنور .

منتسبين حقوقدن

م . ن .